



Broj: 05/7-39-1-155-46/19

Sarajevo, 28. 2. 2019.

Z A P I S N I K

46. sjednice Vijeća nacionalnih manjina BiH, održane 28. 2. 2019.

Sjednica Vijeća nacionalnih manjina BiH počela je u 17 sati.

Sjednicom je predsjedavao Andrija Svatok, prvi zamjenik predsjedavajućeg Vijeća nacionalnih manjina BiH.

Sjednici su prisustvovali: Tijana Vučurević, prva zamjenica predsjedavajućeg Vijeća nacionalnih manjina BiH, Jakob Finci, Tihomor Knežiček, Davor Ebner, Marija Grbić, Dejan Piotrovski, Jovanka Manzalović-Šalaka, Velibor Kuvač, Dragan Marković, Todorka Jovanović, Vjeročka Gajić, Silvija Vujović, Eva Pašić-Juhas, Nedžad Jusić, Hakan Varan, Halil Bicaj i Mladen Radmilović.

Sjednici su, također, prisustvovali: Želimir Lalić, predstavnik Ministarstva za ljudska prava i izbjeglice BiH, Amila Karabeg, predstavnica Misije OSCE u BiH, Amira Redžić, predstavnica Ministarstva civilnih poslova BiH, Enver Bogučanin iz Sektora za odnose s javnošću Parlamentarne skupštine BiH, Aida Kreho, sekretar Zajedničke komisije za ljudska prava i Anđelka Dobrilović-Rajak, stručna saradnica u Zajedničkoj komisiji za ljudska prava.

Prvi zamjenik predsjedavajućeg Andrija Svatok predložio je sljedeći

D N E V N I R E D

1. Usvajanje Zapisnika 45. sjednice Vijeća nacionalnih manjina BiH;
2. Izbor rukovodstva Vijeća nacionalnih manjina BiH;
3. Razmatranje odgovora Ministarstva civilnih poslova BiH, akt broj: 05/7-50-13-155-45/19 od 1. 2. 2019;

4. Razmatranje odgovora Ministarstva za ljudska prava i izbjeglice BiH, akt broj: 05/7-50-13-218-44/18 od 20.12.2018.;
5. Razmatranje inicijative Todorke Jovanović za upućivanje preporuke institucijama Brčko Distrikta za poštivanje i primjenu Zakona o zaštiti prava pripadnika nacionalnih manjina BiH;
6. Razmatranje inicijative Tihomira Knežičeka za uklanjanje uvredljivog grafita na saobraćajnom znaku u Ugljeviku;
7. Razmatranje saradnje Vijeća nacionalnih manjina BiH s Misijom OSCE-a u 2019;
8. Tekuća pitanja:
 - a) Informacija o nemogućnosti realizacije zaključka s 45. sjednice Vijeća nacionalnih manjina BiH u vezi s posjetom Prnjavoru (predlagač: Tihomir Knežiček),
 - b) Izvještaj s 3. sastanka Upravnog odbora Zajedničkog projekta Vijeća Evrope i Evropske unije u okviru Zajedničkog programa Evropske unije i Vijeća Evrope "Horizontal Facility za Zapadni Balkan i Tursku" pod nazivom „Jačanje zaštite nacionalnih manjina u Bosni i Hercegovini" (izvjestilac: Velibor Kuvač),
 - c) Ostalo.

Prvi zamjenik predsjedavajućeg Andrija Svatok otvorio je raspravu o dnevnom redu. U raspravi ju učestvovao Tihomir Knežiček

Nakon rasprave, članovi Vijeća nacionalnih manjina BiH su **jednoglasno usvojili** predloženi dnevni red.

Ad. 1. Usvajanje Zapisnika 45. sjednice Vijeća nacionalnih manjina BiH

Prvi zamjenik predsjedavajućeg Andrija Svatok otvorio je raspravu o ovoj tački dnevnog reda. Nije bilo rasprave o navedenoj tački dnevnog reda. Članovi Vijeća su, **s 16 glasova „za“ i jednim glasom „suzdržan“ usvojili** Zapisnik 45. sjednice.

Ad. 2. Izbor rukovodstva Vijeća nacionalnih manjina BiH

Prvi zamjenik predsjedavajućeg Andrija Svatok otvorio je raspravu o ovoj tački dnevnog reda. U raspravi je učestvovao Nedžad Jusić.

Nakon rasprave, članovi Vijeća nacionalnih manjina BiH, **s 14 glasova „za“ i tri glasa „suzdržan“, izabrali** su Andriju Svatoka za predsjedavajućeg Vijeća nacionalnih manjina BiH, Tijanu Vučurević za prvu zamjenicu predsjedavajućeg Vijeća nacionalnih manjina BiH i Velibora Kuvača za drugog zamjenika predsjedavajućeg Vijeća nacionalnih manjina BiH.

Ad. 3. Razmatranje odgovora Ministarstva civilnih poslova BiH, akt broj: 05/7-50-13-155-45/19 od 1. 2. 2019.

Predsjedavajući Vijeća nacionalnih manjina BiH Andrija Svatoka otvorio je raspravu o ovoj tački dnevnog reda. U raspravi su učestvovali: Amira Redžić, predstavnica Ministarstva civilnih poslova BiH, Tihomir Knežiček, Eva Pašić Juhas, Todorca Jovanović, Nedžad Jusić i Dragan Marković.

Nakon rasprave, članovi Vijeća nacionalnih manjina BiH, **su jednoglasno primili k znanju** odgovor Ministarstva civilnih poslova BiH, akt broj: 05/7-50-13-155-45/19 od 1. 2. 2019. i odlučili da na narednoj sjednici pristupe izradi zaključaka povodom materijala Ministarstva civilnih poslova BiH.

Ad. 4. Razmatranje odgovora Ministarstva za ljudska prava i izbjeglice BiH, akt broj: 05/7-50-13-218-44/18 od 20.12.2018.

Predsjedavajući Vijeća nacionalnih manjina BiH Andrija Svatoka otvorio je raspravu o ovoj tački dnevnog reda. U raspravi su učestvovali: Želimir Lalić, predstavnik Ministarstva za ljudska prava i izbjeglice BiH, Eva Pašić-Juhas, Andrija Svatok, Nedžad Jusić, Jakob Finci i Marija Grbić.

Nakon rasprave, članovi Vijeća nacionalnih manjina BiH **jednoglasno** su primili k znanju odgovor Ministarstva za ljudska prava i izbjeglice BiH, akt broj: 05/7-50-13-218-44/18 od 20.12.2018. i odlučili da na narednoj sjednici pristupe izradi zaključaka povodom materijala Ministarstva za ljudska prava i izbjeglice BiH. Također, prihvaćen je prijedlog da se uputi dopis ministarstvima finansija na svim nivoima vlasti u BiH da Vijeću nacionalnih manjina dostave informaciju postoji li posebna budžetska linija za sufinansiranje projekata nacionalnih manjina koji su finansirani iz inostranstva. U narednom periodu, predloženo je da se organizuje sastanak sa predstavnicima Ministarstva za ljudska prava i izbjeglice BiH i Ministarstva civilnih poslova BiH u smislu rješavanja problema finansiranja nacionalnih manjina.

Ad. 5. Razmatranje inicijative Todorke Jovanović za upućivanje preporuke institucijama Brčko Distrikta za poštivanje i primjenu Zakona o zaštiti prava pripadnika nacionalnih manjina BiH

Predsjedavajući Vijeća nacionalnih manjina BiH Andrija Svatoka otvorio je raspravu o ovoj tački dnevnog reda. U raspravi su učestvovali: Todorca Jovanović, Nedžad Jusić,

Želimir Lalić, predstavnik Ministarstva za ljudska prava i izbjeglice BiH, Tihomir Knežiček i Velibor Kuvač.

Nakon rasprave, članovi Vijeća nacionalnih manjina BiH **jednoglasno** su usvojili zaključak da se uputi preporuka Skupštini Brčko distrikta BiH i Vladi Brčko distrikta BiH za dosljednim poštivanjem i primjenom odredbi Zakona o zaštiti prava pripadnika nacionalnih manjina („Službeni glasnik BiH“ br. 12/03,76/05 i 93/08), a posebno člana 8. ovog Zakona.

Ad. 6. Razmatranje inicijative Tihomira Knežičeka za uklanjanje uvredljivog grafita na saobraćajnom znaku u Ugljeviku

Predsjedavajući Vijeća nacionalnih manjina BiH Andrija Svatoka otvorio je raspravu o ovoj tački dnevnog reda. U raspravi su učestvovali: Tihomir Knežiček, Nedžad Jusić, Dragan Marković i Dejan Piotrovski.

Nakon rasprave, članovi Vijeća nacionalnih manjina BiH **jednoglasno** su usvojili zaključak da se uputi dopis Opštini Ugljevik i Javnom preduzeću Putevi Republike Srpske sa najoštrijom osudom čina ispisivanja uvredljivog grafita i zahtjevom da vlasti opštine upute izvinjenje javnosti zbog neadekvatnog i neblagovremenog reagovanja po pitanju uklanjanja navedenog natpisa, kao i da se natpis što prije ukloni.

Ad. 7. Razmatranje saradnje Vijeća nacionalnih manjina BiH s Misijom OSCE-a u 2019.

Predsjedavajući Vijeća nacionalnih manjina BiH Andrija Svatoka otvorio je raspravu o ovoj tački dnevnog reda. U raspravi su učestvovali: Amila Karabeg, predstavnica OSCE-a, Dejan Piotrovski, Nedžad Jusić i Andrija Svatok.

Nakon rasprave, članovi Vijeća nacionalnih manjina BiH prihvatili su ponudu za saradnju sa Misijom OSCE-a te usvojili prijedlog da se na narednoj sjednici raspravlja o detaljima realizacije navedene saradnje i načinima podrške Misije OSCE-a u BiH radu Vijeća.

Ad. 8. Tekuća pitanja:

a) Informacija o nemogućnosti realizacije zaključka s 45. sjednice Vijeća nacionalnih manjina BiH u vezi s posjetom Prnjavoru (predlagač: Tihomir Knežiček)

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda, uz napomenu da se na prethodnoj sjednici nije eksplicitno donio zaključak o posjeti, te da i pored želje da se posjeta organizuje u februaru iz objektivnih

razloga (nedostatak adekvatnih smještajnih kapaciteta) to nije bilo moguće učiniti. U raspravi su učestvovali: Andrija Svatok i Tihomir.

Nakon rasprave, članovi Vijeća nacionalnih manjina BiH su sa **17 glasova „za“ i jednim glasom „protiv“** primili su k znanju Informaciju. Članovi Vijeća nacionalnih manjina BiH prihvatili su i prijedlog da se u martu 2019. godine obavi službena posjeta Opštini Prnjavor, gdje će biti održana i 47. sjednica Vijeća.

b) Izvještaj s 3. sastanka Upravnog odbora Zajedničkog projekta Vijeća Evrope i Evropske unije u okviru Zajedničkog programa Evropske unije i Vijeća Evrope “Horizontal Facility za Zapadni Balkan i Tursku” pod nazivom „Jačanje zaštite nacionalnih manjina u Bosni i Hercegovini” (izvjestilac: Velibor Kuvač)

Predsjedavajući Andrija Svatok otvorio je raspravu o ovoj tački dnevnog reda. U raspravi su učestvovali: Velibor Kuvač, Jovanka Manžalović Šalaka i Nedžad Jusić.

Članovi Vijeća nacionalnih manjina BiH, usvojili su Izvještaj s 3. sastanka Upravnog odbora Zajedničkog projekta Vijeća Evrope i Evropske unije u okviru Zajedničkog programa Evropske unije i Vijeća Evrope “Horizontal Facility za Zapadni Balkan i Tursku” pod nazivom „Jačanje zaštite nacionalnih manjina u Bosni i Hercegovini”.

c) Ostalo

U okviru ove tačke dnevnog reda članovi Vijeća nacionalnih manjina BiH su vodili raspravu mogućnosti obavljanja studijske posjete Strazburu, o prijedlog da se potpisivanje vezano za prisustvo članova Vijeća sjednicama obavlja na početku svake sjednice kao i budućim terminima održavanja sjednica Vijeća. U raspravi su učestvovali: Andrija Svatok, Marija Grbic, Eva Pašić Juhas, Vjeročka Gajić, Jovanka Manžalović Šalaka, Nedžad Jusić, Silvija Vujović, Dejan Piotrovski, Vjeročka Gajić, Tihomir Knezicek, Dragan Marković i Želimir Lalić, predstavnik Ministarstva za ljudska prava i izbjeglice BiH.

Članovi Vijeća nacionalnih manjina BiH primili su k znanju informacije vezane za mogućnosti obavljanja studijske posjete Strazburu i savjetodavnim tijelima Vijeća Evrope koja se bave zaštitom nacionalnih manjina.

Nakon rasprave, prihvaćen je prijedlog da se članovi Vijeća, potpisuju na početku sjednice kao dokaz svog prisustva i da se sjednice Vijeća održavaju u trećoj dekadi svakog mjeseca.

Članovi Vijeća su vodili raspravu bez glasanja vezano za mogućnost održavanja sjednica Vijeća prema dosadašnjem dogovoru u 17. 00 sati, što ne bi moralo biti obavezujuće.

Želimir Lalić, predstavnik Ministarstva za ljudska prava i izbjeglice BiH, članove Vijeća je upoznao sa informacijom da je Ministarstvo za ljudska prava i izbjeglice BiH zaprimilo Rezoluciju o realizaciji preporuka IV Izvještaja Okvirne konvencije o zaštiti pripadnika nacionalnih manjina, koja će biti dostavljene Vijeću nacionalnih manjina BiH na razmatranje.

Sjednica Vijeća nacionalnih manjina BiH završena je u 19.00 sati.

Stručna saradnica

Andelka Dobrilović-Rajak

Predsjedavajući

Vijeća nacionalnih manjina BiH

Andrija Svatok